



Broj: 06-1-07-1-727/18
Sarajevo, 07.12.2018. godine

Na osnovu člana 2.9 stav (1) tačka 9, a u vezi sa članom 11.13 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i člana 53. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br: 38/14, 90/16 i 8/17), Centralna izborna komisija Bosne i Hercegovine je na 94. sjednici, održanoj 07.12.2018. godine, donijela

ODLUKU

o utvrđivanju rezultata posrednih izbora i dodjeli mandata delegatima u Vijeću naroda Republike Srpske iz reda srpskog naroda

(1) Centralna izborna komisija Bosne i Hercegovine utvrđuje rezultate posrednih izbora za Vijeće naroda Republike Srpske iz reda srpskog naroda, kako slijedi:

1. Kandidatska lista političke stranke **Srpska demokratska stranka** osvojila je deset **(10) glasova - jedan (1) mandat**,
2. Kandidatska lista narodnog poslanika **Darka Banjca** osvojila je **deset (10) glasova - jedan (1) mandat**,
3. Kandidatska lista narodnog poslanika **Gordane Tešanović** osvojila je **nula (0) glasova – nije osvojila mandat**,
4. Kandidatska lista narodnog poslanika **Ranke Perić Romić** osvojila je **devet (9) glasova - jedan (1) mandat**,
5. Kandidatska lista narodnog poslanika **Dragana Čavića** osvojila je **devet (9) glasova - jedan (1) mandat**,
6. Kandidatska lista političke stranke **Socijalistička Partija** osvojila je **devet (9) glasova - jedan (1) mandat**,
7. Kandidatska lista narodnog poslanika **Nikole Špirića** osvojila je **nula (0) glasova - nije osvojila mandat**,
8. Kandidatska lista političke stranke **PDP RS-Mladen Ivanić** osvojila je **osam (8) glasova - jedan (1) mandat**,
9. Kandidatska lista narodnog poslanika **Saše Popovića** osvojila je **deset (10) glasova - jedan (1) mandat**,
10. Kandidatska lista političke stranke **Ujedinjena Srpska** osvojila je **devet (9) glasova - jedan (1) mandat**,
11. Kandidatska lista narodnog poslanika **Milana Tubina** osvojila je **nula (0) glasova - nije osvojila mandat**.

(2) Centralna izborna komisija Bosne i Hercegovine dodjeljuje mandate u Vijeću naroda Republike Srpske delegatima iz reda srpskog naroda:

1. **Vukota Govedarica,**
2. **Ognjen Tadić,**
3. **Dragan Ristić,**
4. **Vojislav Gligić,**
5. **Živko Marjanac,**
6. **Miroslav Lazarević,**
7. **Jasna Lukić,**
8. **Slavko Dunjić.**

O b r a z l o ž e n j e

Narodna skupština Republike Srpske je dana 06.12.2018. godine Centralnoj izornoj komisiji Bosne i Hercegovine dostavila akt broj: 02/4.01.-1-1965/18 od 05.12.2018. godine, te u prilogu istog cjelokupan izborni materijal u vezi sa provedenim posrednim izborima za Vijeće naroda Republike Srpske, koji čine: Izvještaj o izboru delegata u Vijeće naroda RS iz reda srpskog naroda broj: 02/4.01.-1-1959/18 od 05.12.2018. godine, Odluku o usvajanju izvještaja Komisije za izbor i imenovanje o izboru delegata u Vijeće naroda RS iz reda srpskog naroda, broj: 02/1-021-1145/18 od 05.12.2018. godine, te birački spisak za izbor delegata iz reda srpskog naroda u Vijeće naroda RS.

U skladu sa članom 11.10 stav (2) Izbornog zakona Bosne i Hercegovine, Vijeće naroda Republike Srpske sastoji se od 28 delegata, osam iz reda bošnjačkog, osam iz reda srpskog, osam iz reda hrvatskog i četiri iz reda ostalih.

Odredbama člana 11.12 stav (4) Izbornog zakona BiH propisano je da svaki poslanik u Narodnoj skupštini Republike Srpske jednom glasa za listu unutar svog kluba delegata.

U skladu sa članom 11.13 Izbornog zakona BiH, nakon provedenog tajnog glasanja, izborni materijal i rezultati glasanja saopštavaju se Centralnoj izornoj komisiji BiH u svrhu konačne dodjele mjesta.

Mandati se, jedan po jedan, raspodjeljuju na liste ili kandidatima sa najvećim količnicima koji proizlaze iz formule proporcionalne zastupljenosti predviđene u članu 9.5 Izbornog zakona BiH. Kada jedna lista osvoji mandat, taj mandat se dodjeljuje sa vrha liste.

Uvidom u dostavljeni materijal u vezi sa provedenim posrednim izborima za Vijeće naroda Republike Srpske iz reda srpskog naroda, utvrđeno je da su, od 75 poslanika koji su imali pravo glasa, svih 75 poslanika ostvarila biračko pravo, od čega su 74 važeća i jedan neiskorišteni glasački listić, te da su rezultati sljedeći:

1. Kandidatska lista političke stranke **Srpska demokratska stranka** osvojila je deset **(10) glasova,**
2. Kandidatska lista narodnog poslanika **Darka Banjca** osvojila je **deset (10) glasova,**

3. Kandidatska lista narodnog poslanika **Gordane Tešanović** osvojila je **nula (0) glasova**,
4. Kandidatska lista narodnog poslanika **Ranke Perić Romić** osvojila je **devet (9) glasova**,
5. Kandidatska lista narodnog poslanika **Dragana Čavića** osvojila je **devet (9) glasova**,
6. Kandidatska lista političke stranke **Socijalistička Partija** osvojila je **devet (9) glasova**,
7. Kandidatska lista narodnog poslanika **Nikole Špirića** osvojila je **nula (0) glasova**,
8. Kandidatska lista političke stranke **PDP RS-Mladen Ivanić** osvojila je **osam (8) glasova**,
9. Kandidatska lista narodnog poslanika **Saše Popovića** osvojila je **deset (10) glasova**,
10. Kandidatska lista političke stranke **Ujedinjena Srpska** osvojila je **devet (9) glasova**,
11. Kandidatska lista narodnog poslanika **Milana Tubina** osvojila je **nula (0) glasova**.

Imajući u vidu da su ispunjeni svi zakonski uslovi za utvrđivanje rezultata izbora za delegate u Vijeću naroda Republike Srpske iz reda srpskog naroda, Centralna izborna komisija Bosne i Hercegovine je, u skladu sa članom 2.9 stav (1) tačka 9, a u vezi sa članom 11.13 Izbornog zakona Bosne i Hercegovine, odlučila kao u dispozitivu ove odluke.

Pravna pouka: Protiv ove odluke, u skladu sa članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.



Predsjednik

Branko Petrić

Dostaviti:

1. Narodna skupština Republike Srpske,
2. a/a.